

士萬應奇效祕方一千五百種

(第二冊)

木

序

方術之由來起自民間疾病之自療遇疾患疴痛偶食某物而愈或用某法而安有同患者遂以傳之試之而效又以傳人其能轉相傳授不絕者必也屢試不爽屢施無訛一方之成一術之傳皆爲經驗之所萃靈妙之所鍾也是以古代名醫皆重視之扁鵲禁方華陀祕術葛洪肘後思邈千金皆集其大成者也降及後世醫家習尙空談鄙視實驗睹古方以賤物治重病乃嗤爲不經夷然棄之漫謂古方不治今病及其爲人治病而不效老嫗偶傳一方而立瘳則又瞠目視之莫悟其理諺云單方

一味氣死良醫非虛語也惟有清吳縣葉天士先生能鑒後世醫家之失而重視方術之用其治病不主常方方無常藥隨症施藥藥簡而效宏時人莫測其術咸以神醫稱之不知其術乃得力於方術之所致民國十六年余以宦遊稽滯華亭清晨涉足破屋內以所佩牙籤墜落撥斷磚覓之見磚下有物掘之獲朱漆篋貯天士手寫祕本四大冊署名爲萬應奇效祕方有題記述此書集錄之經過及其功效遂珍藏之遍以其方試病者無不靈驗而余所蒞之處亦以此獲神君之譽焉然後知此名醫之所以重視方術者蓋有由也年來杜門懸車山居多暇不

忍此活人之奇書湮沒不傳爰爲編次付梓以廣流傳或有疑
余此書者余不願置辯語云事實勝於雄辯當使此書之奇效
自白之民國二十六年五月景葉樓主人自識

凡例

一、是篇係就所掘獲葉天士手寫萬應奇效秘方加以編次
凡原本所載之方概行依類編入不敢妄有刪改以存眞
實

一、原本係隨手集錄漫無體例同治一病之方前後雜出檢
閱頗難是篇概行分門摘出治一病之方列作一類一類
之中復標明所治之症前後貫串有序一檢便得

一、原本隨方標題至爲紛歧是篇爲統一編制計稍加刪削
以資劃一

一、原本埋土既久頗有漶漫傷損之處凡殘缺之方概從割愛以免訛舛遺誤

一、原本方術天士自述係得自古代良方及師友祕傳但既經手鈔親驗則功效愈加準確無論爲古方或傳授皆成天士祕方矣愚雖於古方稍有考證然未加註明者以此故也幸恕其疏漏勿滋疑難

一、原本方術經愚試用著效者不下千種概不敢以經驗所得增加意見蓋天士此書功效具在毋待於緣飾也

一、是篇於每類之前加以病因說明其中有病狀難明者間

於每方之前加以病狀說明以便按病投方免致良方誤用

一、是篇整理編次頗費經營爲利人濟世計不揣譾陋勉力完成所分門類及所加說明難免紕繆幸識者諒之

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

萬應奇效祕方一千五百種分類目錄

內科門總目

傷寒類

附傷風

中暑類

痧症類

霍亂類

瘟疫類

痢疾類

瘧疾類

咳嗽類

附哮喘

虛勞類

中風類

中溼類

氣痛類

泄瀉類

吐衄類

噎隔類

痞積類

併諸積

臌脹類

黃疸類

癰狂類

三消類

脚氣類

疝氣類

二便類

附花柳痔瘡

頭痛類

喉痛類

腹痛類

腰痛類

心痛類

五官類

外科門總目

疔瘡類

癰疽類

丹毒類

瘰癧類

諸瘡類

無名腫毒類

跌打損傷類

併創傷

咬傷類

雜治類

婦科門總目

經病類

帶病類

不孕類

孕病類

臨產類

產後類

乳病類

兒科門總目

胎病類

驚風類

痘症類

痧症類

疳積類

雜症類

救急門總目

死傷急救類

毒物解救類

急症救治類

險事解脫類

萬應奇效祕方一千五百種

葉天士祕本
李古直編訂

內科門

傷寒類

(病因說明) 傷寒者起自風寒入於腠理與精氣交爭榮衛
痞隔周行不通故病者頭痛惡寒腰背強重心
胸填塞病重者甚至腹脹身重骨節煩疼寒熱
間作鼻乾耳聾不治卽死治法當審症投方不
可錯亂

傷寒通治方

川芎

白芷

麻黃

陳皮

香附

赤芍

升麻

乾葛

錢各一

紫蘇

錢五分

甘草

五分

加生薑

二片

水二鍾煎八分熱服覆被取汗

右方治感冒風寒發熱惡寒頭疼身疼咳嗽喘急或欲成疹者此藥不問陰陽兩感風寒及四時不正瘟疫妄行並宜服之如發熱頭疼加細辛石膏葱白胸膈膨悶加枳殼桔梗心腹脹滿加枳實半夏潮熱加黃芩麥冬咳嗽喘急加桑白皮桔梗半夏大便閉結加大黃芒硝嘔吐加藿香半夏泄瀉加白朮茯苓煎水熱服覆被避風卽愈

傷寒盜汗立愈方

傷寒初病惡寒體痛嘔逆汗自出脈浮沉俱緊者宜桂枝湯

桂枝

一錢

芍藥

一錢

甘草

一錢

大棗

四枚

合煎服服後須避風戒五辛油膩

又方

韭根四十九根水二碗煮取一半乘熱服之以汗止爲度

傷寒無汗立愈方

傷寒無汗初覺頭痛畏寒者以水七碗燒鍋令赤傾水於內
隨即取起再燒再傾如此七次名爲沸湯乘熱飲一碗衣被

覆頭取汗神效

又方

水調芥子末填臍內老糠炒熱隔衣熨之或用熨斗亦可取汗出立愈極妙

又方

用葱湯茶一碗熱服覆首催汗汗出立愈

又方

臨睡時以熱水洗腿脚再用 淡豆豉半合 葱白一把
泡湯乘熱服下多蓋衣被汗出自愈

又方

代赭石 乾薑 胡椒 丁香 葱白 各等分搗爛熱醋

調塗兩手心合掌握定夾於大腿內側側臥勿動覆被取汗

極效

又方

大梨一枚 生薑一小塊 同搗布瀝取汁入童便一碗重

湯煮濃熱服汗出神効

又方

荊芥穗一兩煎濃汁熱服避風靜臥取汗

傷寒頭痛立愈方

馬蹄香研細末用熱酒調服一錢約一食頃飲熱茶一碗催之或飲熱粥拌鹽豉食之汗出卽痛止神爽

又方

葱白 生薑 重量煮濃汁溫服出汗卽效

傷寒煩渴立效方

豬苓 茯苓 澤瀉 滑石 附子 阿膠

各一兩水煎溫服

又方